



**Ministério Público
Timor-Leste**

NOTA ENTENDIMENTU
ENTRE CONSELHO DE IMPRENSA DE TIMOR-LESTE HO
MINISTÉRIU PÚBLIKU TIMOR-LESTE

Conselho de Imprensa iha objetivu prinsipál atu promove liberdade expresaun no imprensa inklui asegura atividade jornalística ho profesionalizmu nomós respeito diak liu tan padraun étika no qualidade, ne'ebé hari bazeia lei komunikasaun sosiál no.5/2014 ho knar atu asegura liberdade imprensa no liberdade espresaun.

Ministériu Públiku hari bazeia ba lei no.7/2022, 19 Maiu no redasaun foun hosi Lei no.7/2023, loron 5 fulan Abril ho kompetensia atu representa no defende interese estadu nia, promove ezekusaun ba desizaun tribunál sira-nian atu bele iha lejitimidade; diriye investigasaun kriminál, no realiza asaun prevensaun kriminál sira; rekere fiskalizasaun kona-ba konstitusionalidade hosi aktu normativu no seluk tan.

Nota entendimentu ida ne'e mai hosi nesesidade atu artikula asaun balun entre Conselho de Imprensa de Timor-Leste (CI) no Ministériu Públiku hodi asegura justisa tuir lei, protesau ba liberdade imprensa no liberdade espresaun inklui konsiencializa sidadaun ne'ebé servisu iha área jurnalizmu atu kumpri lei.

Akordu servisu hamutuk ne'e nu'udar savi importante atu rezolve kualker kasu sivil hirak ne'ebé kontra lei iha área jurnalizmu no mídia husi setor komunikasaun sosiál ne'ebé parte Conselho de Imprensa de Timor-Leste ho Ministériu Públiku konkorda desidi buka forma entendimentu atu promove servisu hamutuk ne'ebé diak entre instituisaun rua atu kasu sira liga ho produto jornalístiku no mídia rezolve tuir Lei Komunikasaun Sosiál nú. 5/2014 liu husi prosesu mdiasaun tuir artigu 44 °, alínea g iha Lei Komunikasaun Sosiál nomos aplika direitu resposta no retifikasaun tuir artigu 34°.

Parte Conselho de Imprensa de Timor-Leste (CI) representa hosi Prezidenti, **Otelio Ote**, ne'ebé tuir mai bolu nu'udar parte primeiru. Parte Ministériu Públiku representa hosi **Prokuradór Jerál Repúblika, Dr. Alfonso Lopez**, ne'ebé bolu nu'udar parte segundu.

Parte rua konkorda hodi kria no asina nota entendimentu ida-ne'e ho artigu sira hanesan tuir mai:

Artigu 1.º
Objetu

Hametin liña koordinasaun iha prosesu aplikasaun lei hodi rezolve disputa área jornalística no Mídia tuir lei komunikasaun sosiál no .5/2014 antes implementa lei sira seluk.

Artigu 2.º
Objetivu

1. Protesaun ba liberdade imprensa no liberdade espresaun
2. Prepara mekanizmu adekuaudu ba aplika lei rezolve kasu ne'ebé liga ho produtu jornalístiku.
3. Dezenvolve programa konjunta hodi promove objetivu hosi instituisaun rua.

Artigu 3.º
Objetivu Espesífiku sira

1. Ministériu Públiku fo protesauun ba liberdade imprensa no liberdade espresaun
2. Ministériu Públiku sei uza lei komunikaun sosiál hodi rezolve produtu jornalístiku ne'ebé diskunfia kontra lei antes aplika lei sira seluk.

Artigu 4.º
Responsabilidade sira ne'ebé atribuí

1. Ministériu Públiku iha kompeténsia simu partisipasaun, dados, elementu ne'ebé nesesáriu no útil ba investigasaun krime kona-ba atentadu ba liberdade informasaun.
2. Ministériu Públiku fó formasaun destinadu ba jornalista kona-ba tema oi-oin hanesan segredu justísa, ezersísiu jornalísimu nian, impaktu alterasaun kódigu prosesu penal kona-ba atividade sira órgaun komunikaun nian, no regulasaun ba komunikaun sosiál no justísa.
3. Conselho de Imprensa de Timor-Leste sei fó paraser ne'ebé nesesáriu ba Ministériu Públiku ba kasu ne'ebé liga ho produtu jornalístiku.
4. Instituisaun rua sei organiza hamutuk semináriu, kolókiu, konferénsia sira hodi debate no análiza interese komun instituisaun rua refere.
5. Parte rua sei buka no asegura relasaun ne'ebé diak liu no profesionál, respeita malu bazeia ba sira nia objetivu servisu.

Artigo 5.º
Sijílu

Parte rua konkorda atu asegura dados segredu, dokumentasaun ou nota balun ne'ebé tenke proteze ninia segredu tuir lei ne'ebé iha.

Artigo 6.º
Finansiamentu

Kualker taxa ne'ebé relaciona ho nota entendimentu ne'e parte rua sei responsabiliza proporsionálmente.

Artigu 7.º
Rezolusaun ba litíjius

1. Parte rua konkorda katak kualker litíjiu ne'ebé mosu tamba diferensia sira interpretasaun kona-ba implementasaun nota entendimentu ne'e, sei rezolve liu husi diskusaun hodi bele hetan konsensu.
2. Parte ida ne'ebé sente prejudikadu sei haruka karta eskrita ba parte seluk hodi bele buka ninia solusaun bazeia ba dados no faktus ne'ebé iha.

Artigu 8.º
Prazu

1. Prazu validade husi nota entendimentu ida-ne'e mak ba tinan 2 (rua), hahú nota entendimentu ida-ne'e asina hamutuk. Renovasaun ba akordu ne'e depende ba konkordansia hosi parte 2.
2. Nota entendimentu ida-ne'e sei remata nia validade, bainhira parte ida haruka atu hakotu akordu ou bainhira estabelese ona nota entendimentu foun.

Artigu 9.º
Periodu tranzisaun

1. Nota entendimentu ida-ne'e sei bele altera depende konkordansia husi parte rua.
2. Dokumentu kona-ba nota entendimentu ida-ne'e, asina hosi Prezidente Conselho de Imprensa de Timor-Leste no Prokurador Jerál Repúblika.

Artigu 10.º
Duplikasaun Dokumentu

Dokumentu ne'e iha exemplar rua, no kada ida-idak vale hanesan orijinal, parte sira sei asina hamutuk, husi parte rua ne'e, kada exemplar ida, tenke entrega kedas ba iha ema ida-idak.

Dili, 16/07/2024

PARTE PRIMEIRU

Otelio Ote
Prezidente CI

PARTE SEGUNDU

Dr. Alfonso Lopez
Prokurador Jerál Repúblika